

乘異記
異林志
快雪堂漫錄
前定錄補遺
誠齋雜記
怪錄
奇聞類紀摘抄
與物傳



誠
齋
雜
記

林
坤
輯

中
華
書
局

誠齋稭記叙

余家藏誠齋稭記記事甚奇目所未見者什九第
不著集者姓名近覽狐穴餘編有會稽林太史載
卿者少好程朱之學以誠意爲入道之要訣故額
其齋曰誠後在翰苑與同官不相中遂挂冠而歸
鬱鬱不自得廼日事歌舞暢飲無復有用世志矣
其所著書并詩文凡十二種稭記其一也祇以其
中多詭異事非宿士所宜述故遂隱其名昔孔子

刪詩淫奔仍載釋迦說法摩登弗遺安在其諱且
君子之過如日月之食況非過乎故特表而出之
使後世君子知太史之厚于才而薄于位不得已
而逃于是與魏之信陵共稱之也是爲序太史諱
坤字載卿丙戌嘉平望日永嘉周達觀撰

誠齋稌記卷上

元 林坤 輯

蕭仙宣王之末史籍散亂蕭仙能文著本末以備
史之不及人以史稱之實無名也

長安士女游春野步遇名花則藉草而坐解裙四
圍遮繞如奕碁謂之裙幄

禹治水過輟轅山化爲熊謂塗山氏女曰聞鼓聲
乃來餉禹排石誤中鼓塗山氏往見禹作熊慙而

去至嵩山下化爲石方孕啓

後魏曹彰性倜儻偶逢駿馬愛之其主所惜也彰曰彰有美妾可換惟君所擇馬主因指一妓彰遂換之馬名白鵲故後人作愛妾換馬詩奏之絃歌焉

燕太子丹質于秦秦王遇之無禮乃求歸秦王爲機置之椅欲以陷丹丹過之豉龍捧舉而機不發蔡州丁氏女精于女紅每七夕禱以酒果忽見流

星墜筵中明日瓜上有金梭自是巧思益進

白樂天有姬善舞名春草

吳潘章少有美容儀時人競慕之定國王仲先聞其美名故來求爲友因願同學一見相愛情若夫婦便同衾共枕交游無已後同死而求大哀之因令葬于羅浮山塚上忽生一樹柯條枝葉無不相連時人異之號爲共枕樹

阮蘭字茂弘爲開封令縣側有劫賊外白甚急數

阮方圓甚長嘯吏云切急阮曰局上有切亦甚急其耽樂如是

黃昌爲州書佐妻遇賊相失後會于蜀復修舊好張員妻黃氏女也名帛員乘舟覆沒求屍不得帛至沒處灘頭仰天而嘆遂自沉淵積十四日帛持員手于灘下出

漢末零陵太守有女甚娃閭門下書佐悅之使婢取盥手水竊飲而有娠生子能行太守抱兒使求

其父兒直上書佐膝書佐推之兒什地爲水
桓玄寵丁期朝賢論事賓客聚集桓在背後坐食
畢便迴盤與之期雖被寵而謹約不敢爲非玄臨
死之日期乃以身捍刃

曹著見廬山夫人夫人命女婉與著相見婉見著
欣悅命婢瓊林取琴出婉撫琴而歌歌畢便還去
洞庭有二穴東南入洞幽邃莫測昔閻閻使令威
丈人尋洞秉燭晝夜而行繼七十日不窮而返

韋洵美寵姬爲羅紹威所奪姬名素娥姓崔氏善諧諛洵美夜宿一寺長吁而寢曰何處人能報不平事寺有行者排闥而入曰先輩有何不平事洵美具語之歛然出門而去至三更忽擲一皮囊入門乃貯素娥而至後遂不知所之

錦瑟令狐楚家青衣也

有書生遇神女見胡僧指之曰此西王母第三女玉卮娘也

煬帝將幸江都東都宮女半不隨駕泣留帝帝意
不回因戲題二十字賜之云我夢江都好征遼亦
偶然但存顏色在離別只今年

昔有一人至東野還暮不至門見路傍有小屋燈
火因投寄止宿有一小女不欲與丈夫共宿呼隣
家女自伴夜共彈琴至曉此人謝去問其姓字女
不荅彈琴而歌曰連綿葛上藤一緩復一絀欲知
我姓名姓陳名阿登

真臘有石塔塔中一銅臥佛臍中常有水流味如中國酒易醉人

吳人薛曇捨宅爲慈悲寺

楊素有美妾妾色絕倫時有千牛桑和有妖蟲異術常一見婦人卽便能致楊帝密使竊之素宅深遠和朝奉詔夜便竊以送帝帝奇其能詔素賜之卬扣之術何異崑崙奴乎安知非劔仙也

海人魚狀如人眉目口鼻手足皆爲美麗女子無

不俱足皮肉白如玉灌少酒便如桃花髮如馬尾
長五六尺陰形與丈夫女子無異臨海鰥寡多取
養池沼交合之際小不異人

王綸女爲鬼所憑自稱爲燕華君有雪詩云何事
月娥期不在亂飄瑞葉落人間謂天上瑞木開花
六出崔生入山遇仙女爲妻還家得隱形符潛游
宮禁爲術士所知追捕甚急生逃還山中隔洞見
其妻告之妻擲錦袜成五色虹橋度崔追者不
及

孔子使子貢久而不來孔子命弟子占之遇鼎背言無足不來顏回掩口而笑子曰回也哂謂賜來乎對曰無足者乘川而至也果然

焦先曰入山伐薪以布施先從村頭一家起周而復始

神女杜蘭香降張碩問禱何如香曰消摩自可愈疾淫祀無益消摩藥也

沈義爲仙人所迎見老君以金按玉盤賜之後授

官爲碧落侍郎

李陶交趾人母終陶居于墓側躬自治墓不受隣人助羣鳥啣塊助成墳

吳郡沈豐爲零陵太守到官一年甘露降五縣流被山林膏草木時人歌之

鍾陵西山有游帷觀每至中秋車馬喧闐十里若闌闌豪傑多召名姝善謳者夜與丈夫間立握臂連踏而唱惟對荅敏捷者勝太和末有書生文簫

往觀覩一姝甚妙其詞曰若能相伴陟仙壇應得
文簫駕綵鸞自有繡襦并甲帳瓊臺不怕雪霜寒
生意其神仙植足不去姝亦相盼歌罷獨秉燭穿
大松逕將盡陟山扣石冒險而升生躡其蹤姝曰
莫是文簫耶相引至絕頂坦然之地後忽風雨裂
帷覆機俄有仙童持天判曰吳綵鸞以私欲洩天
機謫爲民妻一紀姝乃與生下山歸鍾陵爲婦
先主入蜀權遣船迎姝姝回至焦磯溺水而死今

俗呼爲焦磯娘娘

盧虔後妻元氏升堂講老子道德經虔弟元明隔紗幮聽之

楊玠娶崔李讓女崔家富圖籍殆將萬卷成婚之後頗亦游其書齋旣而告人曰崔氏書被人盜盡曾不知覺崔遽令檢之玠叩腹曰已藏之經

詩矣

海鹽陸東美妻朱氏有容止夫妻相重寸步不相離時人號爲比肩人後死合葬塚上生梓樹同根